

絳縣志卷十六

奉政大夫同知銜賞戴花翎山西絳州絳縣知縣加五級紀錄十次成都胡 延讓

古蹟志第八

王象之輿地紀勝為地志古蹟之專書張敦頤六朝事蹟編類則又繫以年代他若三輔黃圖專詳宮室洛陽伽藍記專詳佛寺名園記專詳園林長安洛陽勝蹟最夥故皆分類成書縣志古蹟宜並陵墓寺觀而悉載之或有析祠墓寺觀為二門者絳縣舊志搜輯太畧茲並攷陵墓寺觀而備古蹟志

禹臺 太平寰宇記絳縣有禹臺夏禹之所立

山海經西王母之山有軒轅臺

崑崙山東北有帝堯臺帝舜臺而無大禹臺 而記又稱陝州夏縣有夏禹臺在縣西

絳縣志

卷十六

古蹟門

一

北十五里十三州志云禹娶塗山氏女思本國築臺以望今城門南臺基猶存夏靜與洛下人書云安邑塗山氏臺俗謂之青臺上有禹祠史記桀召湯而囚之夏臺已而釋之是夏縣安邑並有禹臺或夏縣安邑之臺塗山氏所築絳縣之臺禹所築歟璇臺瓊室 太平寰宇記在絳縣南門夏桀所造歸藏曰夏后啟筮享神於晉之靈為作璇臺又曰享神於大陵而上鈞臺晏子曰夏之衰也其王桀為璇室玉門列女傳璇室瓊臺以臨靈雨羅苹路史注在絳之正平旋臺者登之轉危常若旋轉所謂搖臺世不知璇作瑶者非 按瑶臺一作均臺見太公金匱瑶臺之名見劉向新序及張華博物志不作動搖之搖樂史謂在

絳縣羅莘謂在正平歸藏謂爲啟造晏子謂爲桀造未知孰是
新通志謂在夏縣縣人呼中條一峯爲瑤臺長夜宮必在此峯
左右云云亦若親見築臺也者未免逞臆三代古蹟一宮一室
豈復可攷太平記旣列絳縣下斯載之絳縣志耳

禹廟 見太平寰宇記

秦始皇廟 見太平寰宇記

車廂城在縣南十里太陰山下唐以前絳縣治此太平寰宇記
在太陰山北四面懸絕西魏大統五年脩其城東西長形如車
箱因名舊通志指爲晉侯城聚處羣公子之城按左傳莊二十
五年晉士蔦乃城聚而處之命之曰絳賈逵曰聚晉邑是本爲

絳縣志

卷十六

古蹟門

二

聚邑獻公更名曰絳耳後人卽以此當故絳又左傳獻公八年
城聚九年城絳又似城聚非城絳聚別一邑也舊志以車箱城
當聚邑苦無輔證不敢曲從也故郡城在縣東南大交鎮卽澮
交川東魏建義元年置南絳郡於此隋開皇初廢後周又於絳
置晉州五年尋廢

姜嫄墓在縣烟莊存雲嶺通志謂墓在聞喜縣西北冰池村左
傳杜注河東聞喜縣西有稷山元和志山上有稷祠在稷山縣
南今仍爲聞喜地土人傳稷棄於此又傳稷始播種於此絳縣
之有祠墓載在祀典絳州亦有古冢稱爲姜嫄之墓然則聞喜
絳州並有祠墓矣通志載翟鳳翥記並引聞喜新志斷姜嫄之

非譽妃后稷播種之確在稷山又謂姜嫄母家爲臺駘氏以證
土人之說立說甚新然攷史記本紀首載周后稷名棄其母有
郃氏女曰姜嫄姜嫄爲帝嚳元妃后稷播時百穀封於郃正義
曰郃一作釐說文云郃炎帝之後姜姓封郃徐廣曰今釐鄉扶
風索隱曰卽詩生民曰有郃家室是也括地志云故釐城一名
武功城在雍州縣古郃國名稷所封也有后稷及姜嫄祠毛萇
云郃姜嫄國也后稷所生堯見天因郃而生后稷故因封於釐
也又毛詩大疋生民傳曰后稷之母配高辛氏帝焉孔疏云后
稷之母配高辛氏帝謂爲帝嚳之妃與嚳相配而生此稷大
戴禮帝繫篇帝嚳卜其四妃之子皆有天下元妃有郃氏之女

絳縣志

卷十六

古蹟門

三

曰姜嫄而生后稷家語世本其文亦然故毛爲此傳及元鳥之
傳司馬遷爲五帝本紀皆依用焉其後劉歆班固賈逵馬融服
虔王肅皇甫謐等皆以爲然又有郃家室疏云世本曰有郃氏
女曰姜嫄故知郃是姜嫄之國郃爲后稷之母家其國當自有
君所以得封后稷者或時君絕滅或遷之他所也杜預曰郃始
平武功縣所治釐城是也是姜嫄爲帝嚳元妃郃在武功今古
皆無異說惟鄭康成詩箋有姜嫄爲高辛氏之世妃一語疑嫄
非譽妃史記索隱引譙周古史攷以證之其謂播種在稷山者
竇苹一語隋圖經引之自古及今惟此三二人而已士生晚近
惟據古籍以攷古事或說有不同第以最古而有證者是依單

文孤證不敢曲從亦三人占從二人之意也周之興也其蹟皆在雍岐一帶經有明徵何得信一二人之異說遽移姜嫄后稷之生死皆在晉地乎明史嘉靖中議正祀典命於武功縣立姜嫄后稷廟當時議禮諸臣類博學有識釐正學宮禮儀今猶循之立姜嫄廟於武功必有確見至謂郃與駘通定姜嫄爲臺駘氏女尤爲附會臺駘二字連文未聞省臺駘爲駘者郃駘字通信有之謂有郃卽臺駘則太穿鑿矣古帝后妃功德懋著海內皆宜祀之稷祀遍天下因而祀其母亦孔廟兼祀三代之意有其舉之莫敢廢也必以何處有祠卽謂生於何處死於何處殊不必也且如一堯陵也或謂在濟陰成陽或謂在蛩山或謂在

絳縣志

卷十六

古蹟門

四

平陽此因史記不書堯葬故各逞臆說舜禹皆書葬所亦有謂不在九疑會稽者將信史記乎信異說乎姜嫄祠墓在絳祀之可也不敢曲徇異說妄指爲生於是葬於是也

翟鳳翥姜嫄墓記

池村世傳后稷棄此詩云真之寒冰鳥覆翼之是也池東爲姜嫄墓山後荒壟數十畝爲有郃氏墳先年地陷捫穴而入石砌如宮室猶新事甚異蹟甚古郡邑志稷播種始於此故名其山曰稷上有后稷陵下有姜嫄墓案謂嫄爲帝譽元妃祀祿生稷儼然元子矣以天子元子而棄之隘巷平林寒冰乎且嫄旣爲帝妃尙云無人道乎不坼不菑以赫厥靈尙云恠乎且帝譽父也天子而聖人也乃詩曰厥初生民時維姜嫄又曰赫赫姜嫄其德不回何歎母而不及父歟鄭氏謂姜嫄高辛氏世妃乃譽後世子孫妃也太史公帝譽紀止云娶陳鐸嫄訾氏女生放勳擊未及姜嫄若云帝妃則稷與堯爲兄弟堯在位七十載不能以姜嫄本非帝妃故生稷於野也然意殊未暢欲證嫄之非帝妃則譙周之言較顯於康成欲論稷之生卒在此山則當取禽之語佐以竇莘之言而自瞭然矣索隱引譙周古史攷云棄

帝譽之胄其父亦不著是明云棄非譽子矣然則嫫之非帝妃
豈待言哉國語柳下惠言稷勤百穀而山死杜預注左傳司馬
彪志郡國皆言聞喜縣西北有稷山亭隋圖經引竇莘曰稷播
種百穀於此山西南去安邑六十里是可謂確證矣第史記前
云有郤氏女姜嫫生稷後云堯封稷於郤毛萁亦曰堯見天因
郤而生后稷故因封於郤是皆未敢深信稷自是郤自出堯
又翦郤祀而畀之聖者為之乎且受者安乎嘗攷路史稷所封
之郤作釐在武功姜嫫母家之郤作駘不云在武功知別有一
國非同地且太王亶父又娶於駘左傳越使魯還邾田封境至
稷後也哉但羅氏欲求一駘乃引未然果爾稷何以生於河東
於駘上以為姜嫫之墓有郤氏之墓又安得在稷山左右耶當思汾
川既為臺駘之國稷山正在汾川而此郤亦正書作駘恐嫫母
家即臺駘氏未可遠引齊魯之駘也千古勗論敬以質之博雅
子君

晉文公墓在縣東北下村 太平寰宇記左傳曰文公卒將殯

於曲沃

曲沃為今聞喜地下村在絳縣原下正古曲沃地也

出絳

此絳指新絳在今曲沃非絳縣地

柩

絳縣志

卷十六

古蹟門

五

有聲如牛吼唐貞觀十一年詔致祭禁樵蘇

晉獻公墓在縣東槐泉村

晉靈公墓在縣東磨裏村地名景冢

晉大夫狐偃墓在縣東郇王村舊有碑今亡 此三墓不見載

籍無可證實惟相傳既久絳地與古絳相近晉之君臣必有

葬於此者舊志具載姑存之

晉司空裴楷墓在縣西南楊村舊有碑今亡

宋尚書張觀墓在縣東北范柴村舊有碑今亡

白雲洞在縣東白馬山洞深二丈餘產石鍾乳洞中有聲三日

內必雨

石門在縣東北續魯兩壁峭立中通行人高十餘丈長數里

華陽池在縣治東上有亭曰豐樂卽古凝翠亭也

興國寺在縣治西南隅明嘉靖間知縣徐富建

聖水寺在縣治西南楊村卽聖水三泉處元泰定間僧海林重修

永興寺在縣城南順治二年建康熙十四年脩乾隆二十年建

後殿

壽聖寺在縣東北鄭柴莊隋開皇年間建

太陰寺在縣東張上村元泰定年間建

金禪寺在縣東北北樊村宋紹興年間建

絳縣志

卷十六

古蹟門

六

鐘樓寺在縣城東北宋乾德年間建

普照寺在縣東北范柴村金天眷年間建

洪福寺在縣東北倉豐村元中統二年建明洪武間併觀音福

勝二寺入焉

太陽寺在縣西北岡底村元泰定年間建

淨居寺在縣東韓莊

慈光寺在縣東北大交鎮

福田寺在縣東北南樊鎮明成化年間建

福勝寺在縣西北西喬村元至正年間建

淨土院在縣西崔村懸厓危閣古柏盤根頗饒幽致

永興禪寺在縣西北牛村元泰定年間建

彌陀寺在縣東北王峰莊

寶泉寺在縣東槐泉村明嘉靖年間建

石佛寺在縣東北鄭柴村

興福寺在縣正西趙村

續魯上寺在縣東北續魯峪

玉泉洞在縣東北南柳莊相傳有僧道明掘玉得泉因建寺於此

龍泉院在縣東北范壁村西元泰定年間勅建

燈明院在縣東北長干村

絳縣志

卷十六

古蹟門

七

洪濟寺在縣東路村

福興寺在縣東北三澗村

太微宮在縣治西元至正年間建

元清觀在縣東關元大德年間建

九龍觀在縣東南陳村宋延祐年間建

長春觀在縣東南荆村元至正年間建

洞元觀在長干村

玉陽觀在縣東北下柏村

雲溪觀在縣東北張村元至正年間建

遇真觀在縣東北梅村元至正年間建

崇真觀在縣東南樊莊明嘉靖年間建

洞真觀在縣南南城莊

玉清宮在絳山西頂

元帝臺在絳山絕頂

玉泉觀一在鄭柴村一在賀水村元至正年間建

清都觀在縣東喬村元至正年間建

臨泉洞在縣西南西冷口明成化年間建 國朝乾隆二十四

年脩

朝陽洞一在縣東北續魯莊一在縣西南西冷口一在縣東磨

裏村一在縣西北牛村在續魯者最勝同治十三年脩

絳縣志

卷十六

古蹟門

八

圓覺洞在縣西南冷口莊山巖間四圍峭壁前闢一門

元真洞在縣東二十里

龍泉洞在縣東衛莊

紫霞洞在縣西北步坑村

華巖洞在縣東東官莊

福勝院在縣東董封村金大定五年勅建 國朝同治元年脩

仙人洞在縣西柳莊山巖間石具五色壁刻十八羅漢象石罅

流泉涓涓洞外草木蒙翳境極幽絕明人張師曾創建迴廊十

餘楹相傳晉郭璞讀書處無可證實

雲章閣在縣東門外乾隆五十三年知縣宋如林建

舊志縣西勃村有周勃墓通志曲沃縣志則謂在曲沃周家
莊勃之封邑確在今曲沃葬所當亦在曲沃也宜從通志爲
正故志中不載